

POMPEII VGONII
A BIBLIOTHECA
ASCANII COLUMNAE
CARD. AMPLISSIMI
ORATIO
IN FVNERE VRBANI VII.
PONT. OPT. MAX.

AD SACRUM SENATUM
Habita in Basilica Vaticana Prid. Non. Octobris.
ANNO. M. D. XC.



SVPERIORVM PERMISSV.

ROMAE, Ex Typographia Vincentij Accolti.

M. D. X C I.

42

POMPEII VIGONI

A BELLIO THECA

ASCANI COLVMNAE

CARD AMPLISSIMI

ORATIO

IN FAVORE VERDANI VIT

PONT OFT MAX

IN FAVORE VERDANI VIT

IN FAVORE VERDANI VIT

IN FAVORE VERDANI VIT



IN FAVORE VERDANI VIT

IN FAVORE VERDANI VIT

IN FAVORE VERDANI VIT

POMPEII VGONII

ORATIO

IN FVNERE VRBANI VII. P. O. M.

Ad Sacrum Collegium Cardinalium.

SI quando aliàs in funere Pontificis Optimi Maximi, aut Regis, aut Principis cuiusquam vel recentibus, vel antiquioribus sæculis Orbis terrarum ingemuit; si quando pia humano generi, & iusta & oblata causa lugendi; hoc profectò, Patres Amplissimi, tēpus illud est, cum ad cladem iacturamq; suam deplorandam, nulli gemitus, nulli eiulatus, nulla tristissimi argumenta squaloris satis esse debeant Populo Christiano. Quidquid enim vel excitare pietatem, vel dolorem exasperare, vel elicite lacrymas, vel terrorem incutere, vel solatium adimere potest, ea omnia in acerbum hunc, tam celerem tamq; intempestivum VRBANI Septimi à vobis electi Pontificis occasum, quasi impressione facta concurrerunt; atq; ita concurrerunt, vt nec pietati pudor, nec dolori modus, nec lacrymis tēperamentum, nec terrori spes, nec solatio via aliqua relicta videatur. Ecquis adeo ferreus, aut saxeus, adeoque omni exutus humanitate, qui tam atroci tamq; infesto casu, tam tristi, & insperato optimi Principis discessu, non totis visceribus cōmoueat? Cuius non immenso quodā, & insanabili dolore pectus ardeat, qui videat spem tantā Christiani nominis, in quantā à multis sæculis Christiana Respublica nō fuerat excitata, quasi turbine venti diffiata in nihilum euanuisse? Quē vberes deficiant lacrymæ, voluentem animo, quā m comi, mansuero, misericordi, indulgēte, munifico, pio deniq; Principe, imò parente orbi simus? Cum verò in ea mentem cogitatione defigimus, quid sit q; tam repente Pater misericordiarū Deus illum nobis vix ostensum eripere voluerit, tā repentinē inquā, vt neq; Pontificali solio vltra primū ad hęc Vaticana tēpla delicensum inuehi potuerit, neq; tergemino diademate coronari, neq; penetralibus Palatii pedem efferre, neq; in conspectū se expectantibus, & desiderantibus Populi dare, oculosq; eius amore perditæ ciuitatis implere; quā fieri potest, vt timor tremor non veniāt illic super nos? vt non tenebrę contegāt corda nostra, Deumq; vltionū expauescamus, ne fortē iratus nobis, ppter scelera nostra, tñ boni auferre nobis voluerit, ne nō tantā virtutē, ac probitatē meriti (Heu miseri) simus? Quòd si aliqua in obitu cæterorū Principiū cōsolatio reperi solet, illa certē est, quę ex rerū ab ipsis egregiē in Principatu gestarū cōmemoratione percipitur, quę tamen & nobis infelicissimē adempta est. Cōmemoratio enim virtutum Principis tunc leuat dolorē, cum eis, si non perdiū, at modico salē spatio temporis frui licuit. At eas percensete virtutes, quarum fructus sperare maximos, percipere nullū morte intercedente licuerit, id verò & desideriū augeat, & luctum incendat necesse est. Quę igitur P. A. hodie terno die partes mihi relicte sunt? certē non tā laudationis quā pietatis, non tam eloquentiæ quā querelæ, nō tā ingenij quā doloris. Nam quid ego ad eum

apud vos laudandū longā orationē comparē, cuius qm̄ Solis luce clarior perspectiorq; vobis virtus semp̄ exiit, ideo illū Pontificatu maiōmō dignissimū iudicauistis? Quid enim in hoc hoīe fuit, quod ad supremi apicē Sacerdotij obtinendū, non ei deberet iure optimo suffragari? Omīro genus & patriā, & quæ non fecimus ipsi. Sic enim diuinis literis edocti sumus, nos esse omnes vnū in Chrīstō, & fastigium Chrīstianę nobilitatis esse inter filios Dei recēseri. Sed tamen vt nouitas & obscuritas sanguinis infringit animos, ita habet aliquid momenti ad res magnas aggrediendas posse meminisse maiorum, eorūq; ex ēplis quali stimulis quibusdā ad amplitudinē incitari. Quales profectō stimulos & aui ataq; quorū memoriā viget apud Genuēses celebris, ac peruetusta, & hęc Romana patria, eius paterniq; natalis conscia VRBANO addere potuerunt. Verūm non hęc tanti sunt æstimanda, vt propterea ædificare oporteat Sion in sanguinibus, & nauiculā Piscatoris quærere ex vna potius, quā ex altera gente Rectorē, cum vt ipse Petrus testatur, In omni gente, qui facit iustitiā acceptus sit Deo. Educatio certē teneræ ætatis, in qua tanquam in flore futuræ virtutis fruges apparere solent, qualis cuiq; cōtigerit, quis nō diligentius animaduertendū putet? Eductum aut̄ VRBANVM institutumq; à puero liberalissimē sciebatis; cuius adolescentia duorum auunculorū, insignium Cardinalium Iacobacij, & Veralli custodia septa, directum veræ laudis iter ingressa, nullum vel minimæ vestigium labis impressit; cuius in latinis, & politionibus literis fuit magistra Roma, iuris legumq; scientiam in qua excelluit, Perusia informauit, Patauiū auxit, Bononia perfecit & decorauit. Iam, postea quā ē tot nobilium Academiarum spatijs magnus hic Vir in puluerem Solemq; processit, si acta eius, laboresq; pro Apostolica Sede, & Christiana religione suscepti considerentur, quis de eo dubitet dicere, quod de sancto Pontifice Cornelio, gloriosus Martyr Cyprianus affirmat? *Non iste ad Episcopatum subito peruenit, sed per omnia Ecclesiastica officia promotus, & in diuinis administrationibus Dñm sape promeritus, ad Sacerdotij sublime fastigium cunctis religionis gradibus ascendit.* Quid enim vel laboris, vel muneris, vel dignitatis, vel potestatis, vel procurationis habet Ecclesia Dei, quod hic non obierit, non cōsecerit? Quæ ora Christiani orbis tā deserta, quā non peragrauerit? Quæ tā exterratio, ad quā non adierit? Quis Rex, quis Princeps, aut tā longē terrarū distans, aut tanto pollens imperio, quo cum nō negocia magna tractauerit? Nā illa partim antiqua nimis, partim minora prætereo, floruisse eū inter Aduocatos Romanę Curię, qui fuit illi primus in fori lucē egressus præcipua existimatione & gloria; allectū in Ordinē Patrū, quibus causas ad Principē referendi potestas permissa est, collegarū nemini iuris intelligētia, sedulitate, fide, eloquentia cōcelsisse; prosecutū trans Alpes Hieronymū Verallū Cardinalem Legatū in Galliā, cum obsignandis libellis præpositus esset, exercuisse id munus peritē, diligētē, officiosē, incorruptē, & sine minima auaritiæ suspitione. Fani Fortunæ gubernationi admotū, ius summa æquitate, & iustitiā dixisse; Archiepātu Rossanensi ornātū, cōmissum sibi gregē pauisse doctrina, & exemplo; Perusię administratione suscepta, & turbulentissimo post Pauli Quarti excessum in retregno deprehensum, ciuitatē illā maxima in pace & tranquillitate cōtinuasse; missum ad veterē quandā inter Spoletinos, finitimosq; con-

trouersiam diiudicandam, tantum prudentia valuisse, vt & eos contra quos
statuerat æquos, placatosq; dimitteret, & à Spoletinis municipibus hono
ris ergò ciuitate donaretur. Hæc & complura, quæ singula multis maximo
ornamento esse possent, in VRBANO facilè præteruolare patiamur, atq;
ad ea, quæ ampliora, & quasi maioribus theatris proposita sunt, veniamus.
Versantur enim ante oculos Tridentini salus, atq; colles, ex vltimis vn
diq; terrarum finibus Christianorum Antistitum frequentia conuentuq;
celebratis, in quibus huius præstantissimi tunc rps Archiepiscopi adeo ad
mirabilis religio, & sapientia refulsit, vt ceu luminare quoddã maius inter
minora sidera explendescere, & radiare videretur. Neque enim, vt magna
pars, velut priuatus Eps in magno illo Cõcilio sedit, sed singularibus à Pio
Quarto sapientissimo Põtifice datis literis moniti sunt Patres, nihil non
eo cõsulto, & approbante ac suadete, decernere. Quod et si ei cū nonnullis
alijs doctissimis Viris, & præcellentibus Ecclesiarũ-Pastoribus vni cõe; il
lud tanq; insigne & proprium, q; Congressui secundũ eum, quẽ Legati Car
dinales habebant oĩum maximo, atq; grauissimo præfuit, apudq; ipsum
difficillimæ, & obscurissimæ de causa fidei, & morum disciplina controuer
siæ discutiebant. Ad sunt in hoc amplissimo Senatu, qui hæc non audierunt
modò, sed etiam viderunt, quiq; etiã testari possunt ex huius Viri doctri
na, cõsilio, pietate, vigilantia quantum utilitatis sancta illa Synodus repor
rarit. Præter hæc aut, quàm graues illæ res sunt, quàm illustres, quàm vti
les, & cū publica salute cõiunctæ, quas octo ferme annorũ spatio apud Re
gem Catholicũ in Hispania Apostolicæ Sedis Internuncius retidēs, susce
pit, tractauit, cõfecit: Quid enim grauius agi potuit, q; quod in causa To
letana actũ est, quã multis magnisq; difficultatibus irretitã ita solerter ex
plicauit, vt & Regi ius suũ Põtifice annuete redderetur, & Põtificis aucto
ritas, q; Rex maximè cupiebat, facta & inuolata seruetur? Quid ei potuit
accidere illustrius, quàm vt Regis oĩum sæculorũ omnisq; memoriæ Prin
cipis Principẽ filiam, in spẽ magni alicuius Imperij genitã, solẽni appa
ratu sacro fonti admotã, tota Hispania faustis votibus votisq; acclamante,
ipse sua manu perfunderet atq; lustraret? Qua quidem ex actione cū affi
nitās inter ipsum & Regẽ, nō carnis, sed spiritus Christiani ritu redun
det, tātus Regis amor extitit, vel tantum virtuti hoĩs deferebat, vt testaret
se illũ, non vt publicum Internunciũ, sed vt priuatã personã Compatrem
agnoscere atq; compleri. Iã verò, in quo communis Christianæ Reip. sa
lus agebat, non ne factum illud sœdus trium Europæ Principũ aduersus
Orientis Tyrannũ inexplẽbili rabie ac furore ceruicibus nostris imminen
tem, huius in Hispania diligentia pertractauit, prudentia vinxit, fides atq;
auctoritas constabiliuit? Magnũ videtis P. A. cãpum ad excurrendum, sed
reprimã habenas, & parebo tempori. Vos euentum illius sœderis, classẽ
Christianã oĩum quotquot maiores nostri instruxerint ornatissimã, Du
ces militẽsq; oĩum fortissimos, præliũ nauale oĩum maximũ, victoriã
oĩum felicissimã, triumphos cū antiquitate cõferendos, contusas ab illo
tẽpore vires repressamq; immanissimĩ hostis audaciã, gloriã, quietẽ, securi
tatẽ Christiano generi patram in multos annos, mente & cogitatione

percurrere; facillè iudicabitis, hæc cum oīa auspiciatissimo illo scædere consecuti simus, ei qui scædus ipsum tractauerit, atq; confecerit, accepta meritis referri debere. Atq; hæc toto Pij Quinti piissimi Pastoris Põtificatu labente acta sunt, quo tandem in cælum recepto, Gregorius Vir optimus atq; sanctissimus est subrogatus. Huius Pontificis voce post aliquod tempus, magnis rebus gestis ex Hispania, non sine incredibili sui desiderio Regi relicto Internuncius reuocatur. Cæterū quid est q̃ cum quies ei iā tandem aliqua, & relaxatio à laboribus deberi videretur, non ita multo post ad Clarissimā Venetorum Rēpublicam iterū Nuncius, & redintegrandi si qua rōne fieri posset sacri scæderis cõciliator, & sequester mittitur? Certè quia cū res illa ex omni parte difficilis appareret, si qua esset consociendi & obtinendi ratio, dubitari non poterat, quin esset in eius sapientia, ac virtute posita, qui eandē concordia felicissimis auspicijs in Hispania transigisset. Quid est, q̃ cum propter grassantē pestilentia Venetijs discedere, & vt Euangelicis verbis vtat, cogeret ex vna Ciuitate fugere in alia, Bononiā vt diuerneret à Pontifice amatissimè monitus est, ac paulò post iussus eiusdem suscipere gubernacula ciuitatis? Nēpe vt duę res Gregorio carissimę mutuo se beneficio cõseruarent, Patria nimirum sua atq; hic vir optimus, hic à cæli contagione hospitio Bononię, Bononia à contagione scelerum virtute gubernantis. Quid est q̃ Magistratu illo absoluto, magnis itineribus in Germaniā ad Cæsarem, & Principes imperij contendere iubetur, vt inter prouincias Belgicas, Regemq; Catholicum pacis iciat conditiones? Quia videlicet homo pacis, immò Angelus pacis semper cognitus fuerat, & ea animi magnitudine præditus, quę posset ubiq; terrarum strenuè Pontificiam tueri auctoritatem? Quid est denique, q̃ gelida ex illa plaga biennio post mitiori huic cælo redditus, inter Consiliarios sacre Inquisitionis abscribitur, nisi quia is erat qui sanctissimo illi Tribunali, iudicio, religione, scientia, integritate, experientia plurimū prodesse posset? O Virū magnis Ecclesię negocijs exercitum. O ministrum pro Repub. indefessum. O Dei seruum probatum per oīa. Erat, erat iam tempus, vt tantis pro Apostolica Sede exantlatis laboribus, tot emensis itineribus, tot aditus periculis, tot vigilijs toleratis, tot reb⁹ præclarè & salutariter gestis, tã probatę deniq; & spectatę virtuti gratia referretur. Et quanquā nec Pii duobus, nec Paulo ante eos Quarto voluntas defuerat talem Virū in hoc summum orbis terrę Consiliū cooprandi, quorum cogitata mors euertit, videtur tamen ea gloria diuinitus fuisse reseruata Gregorio; Gregorio, cuius in tanto honore tribuendo eundationem, iudicium, delectum pauci ad æquarunt, nullus certè Pontifex superauit. Quanto igitur cõsensu Senatus, quanto huius vrbs gaudio, quāta approbatione Orbis terrarū Cardinalis renunciatus est? Cuius dignitatis ornamento, adiunxit idem Gregorius paulò post honestissimam Legationem Bononiensem, vt hic quoq; titulus honoris cæteras tanti viri laudes cumularet. De Sixto verd̃ altissimę mentis Principe, quid dicā? quanti hunc æstimauit? quā dilexit? quātū eius sententijs, & consilijs, & virtuti detulit? Quē cui quod altius prouehere posset, locū sibi relictum non videret, crediderim si moriens ad ea quę secuta sunt comitia

suffra-

suffragium suū transmittere potuisset, illi fuisse lubentissimè suffragaturū
quē vos elegistis. Hic iam P. A. hæret, horretq; animus, labat ingeniu, suis
defecta viribus languescit oratio. Deducti enim ad eas res sumus, quę sine
lacrymis, & siue intimo quodam sensu doloris tractari nō possunt. O spes
inanes, & cogitationes fallaces nostras. Dederatis nobis Pontificē, quo me
liorē nō modō sperare, sed ne optare quidē poteramus. At hic duodecimū
intra diē (proh dolor) celeri morte absumptus, nos velut oves sine pastore
palantes reliquit. Quas ille tā breui tempore ingentis glorię fulgurationes
emisit? Quas significationes dedit optimę de Pontificatu administrando
volūtatīs? Quantā in spem hanc Urbem, cunctā Italiam, nationes oēs erexe
rat? An ille assumpsit sibi honorem, & non accessit vocatus à Deo tanquam
Aaron? An tam sublimi fastigio clatus hoīem esse se oblitus est? Quantū
in summa potestate rerum oīum retinuit modum? Qua modestia familiā
instituerat? Quā parum carni & sanguini tribuebat? Quā nihil penitus
pristinō mutauerat mores? Manebat Principi, quę privato humanitas. Iā
aditum ad se oībus, etiam infima de plebe hominibus aperuerat, iā ad sub
ueniendum egentibus manū porrexerat, iā virtuti, doctrinę, honestisq; la
boribus præmia ostentabat, iam seueritatem nimīā, asperitatemq; Imper
rij cedere pietati & clementiæ iusserat, iam amari quāmetui Regium
sibi magis videri declarauerat: Declarauerat? imō iam ab omnibus incre
dibiliter amabatur. Quid? Illa maiora & publica magis, quanta celeritate,
quanto ardore animi cōplexus erat? Euocare annonā longē gentium non
ē vetere solū illo Populi Romani horreo, Sicilia inquam, sed ex feracis
simis vltimæ Hesperię cāpis, onera populorum nō imminutis tantum, sed
remissis sublatisq; penitus vestigalibus allenare, Ecclesiasticorum mune
rum rerumq; sacrarum dispensationem, in veterem Pōtificiæ liberalitatis
splendorem vindicare, huic augustissimo tēplo centū propē iam annos ex
pectanti, fastigium, & summā manum imponere, dissidētium Christiano
rum Regnorum arma pacare, subiectis parcere, superbos debellare, Reli
gionem amplificare, tueri iustitiam, Misericordiā exaltare. O cōsilia præ
clara, o dignas Christi Vicario cogitationes. Sed heu, & hæc & alia mors
intercepit oīa, funditusq; prostravit. Ille ad superos abiit; nos hīc in luctu
& tenebris relictī sumus. Retinere quidē te apud nos, quantū in nobis fuit
ō Pater, Pater, currus Israel & auriga eius, retinere, te inquam nobiscū to
tis virib. conati sumus, idq; tantoperē cōcupiuimus, vt quoad te lāguentē
decūbere contigit, nemo vnquā de se tam sollicitus fuerit, q̄ nos pro te vni
uersi. Sed nihil, quasi in extremo discrimine civitatis suscepīs votis, nihil
aptis diu noctuq; tēplis, nihil diurnis nocturnisq; ad sacras aras excubijs,
nihil effusis siue intermissione precibus, nihil vrbe tota supplicationibus
lustrata, nihil largitionib⁹ in pauperes profusis, nihil lacrymis, & genitib⁹
pfecimus. Nō litauimus, nō auditi sumus, negat⁹ es, raptus es, Cōsummat⁹
in breui implesti tēpora multa. Verē hīc P. A. ex illis fuit quib⁹ dignus nō
erat mundus. Ita enim est mortuus, vt mors eius cū antiquis Sanctōrū mor
tibus conferri possē videatur. Quanta in morbo cōstantia, patientia, mode
ratio? Quantū Christiani animi robur, vt diem migrationis suę adesse pro
spiciens,



spiciens, diem illū salutis appellaret, curisq; alijs amandatis, in eo sibi diceret cogitationes oēs esse figendas? Quā euidens fixz in Deo voluntatis signum, cum diceret, gratias se ei habere, quod tam opportuno tempore (quis ita locutus esset?) tam inquam opportuno tempore ab ipso vocaretur, quo de onere Pontificatus non esset redditurus rationem? Quā rara beneficentia, vt bona sua, etiam paterna, ad æstimationem aureorum triginta millium, veteri insistens testamento, Sodalitati Romanæ B. Virginis Annuntiæ legaret, in dotes calamitosarū Virginum conferenda? Quem verò diem aduersæ suæ valetudinis intermisit, quo non se meditata cōfessione expiaret, & sacrosancta Eucharistia reficeret? Suprema denique illa nox quam egit in terris, quot quantisq; pietatis luminibus reluxit? Postquam enim sacro delibutus oleo, iterumq; & extremū cælesti viatico recreatus, & Apostolico pronunciato Symbolo fidem suam testatus, veniamq; supplicem à Deo sapius, & ab hominibus etiam, quorum neminem vquam læserat, precatus est, cum hebescere magis magisque iam sensus, & obstupefieri membra inciperent, voce Iesum, voce Mariam implorabat; hac debilitata, supplices tendebat manus, quibus etiam sibi crebrò Crucis signum imprimebat; his labantibus, oculos in imaginem Cruci affixi Saluatoris, quamuis imagine mortis suffusus & inerrantes defigebat. Stetit no. & eim ipsam totam in mortis limine, cum tamen, O rem planè miraculi similem, ita lucescente iam die anima eius diuino est numine corroborata, vt & sanctum Sacrificium coram se fieri ad aram pro cubili positam postularet, & attentè quæ à Sacerdote gererentur aspiceret, quæ dicerentur audiret, vt quæ etiam cum diuina sustolleretur Hostia caput inclinaret, O pietas, moribundaq; manu detegere anniteretur. Quo tandem Sacrificio peracto, cū fessos oculos ad quietem componere velle videretur, verè quieuit; nam velut placido quodam somno comprehensus, obdormiuit in Domino. Ita magnus ille animus VRBANI Septimi tot circumfusus virtutibus, tantis pro Ecclesia Dei laboribus fatigatus, quo tempore ad subleuandā rem Christianam diuinitus concessus esse videbatur, arcano Dei iudicio nobis ereptus, sacram ipsam ante Dei aram, antequam illum ipsum clementissimū Iesum imagine panis velatum, quem paulò post reuelata facie erat cōtemplaturus, ex huius tenebris mortalitatis emerisset; cumq; importunæ mortis iniuria non potuerit coronari in terris, immacescibilem gloriæ coronam à Domino accepit in cælo. Quid est igitur quod iam amplius cum luceamus? Nisi forte præsentem, qua nunc fruimur beatitudinem ei videri volumus inuidere. Quod quoniam nullo modo faciendum est, erigamus iam tandem animum à mœnore & sordibus, nostramq; ad diuinam voluntatem aggregantes dicamus, Dominus dedit, Dominus abstulit, sicut Domino placuit ita factum est; sit nomen Domini benedictum: vosq; P. Amplissimi ad talem in Petri sede Pontificem collocandū accingimini, qui huius quem amisimus Parentis optinui desiderium lenire, orbitatemq; Ecclesiæ consolari possit.

Laus Deo Optimo Maximo, & Virgini Beatissimæ.